

BOSNA I HERCEGOVINA
CENTRALNA IZBORNA KOMISIJA
SREDIŠNJE IZBORNO POVJERENSTVO



БОСНА И ХЕРЦЕГОВИНА
ЦЕНТРАЛНА ИЗБОРНА КОМИСИЈА

UPUTSTVO
o postupku žrijebanja političkih subjekata za utvrđivanje redoslijeda na glasačkom listiću

Sarajevo, maj 2022. godine

Na osnovu člana 2.9 stav (1) tačka 2. a u vezi člana 5.15 stav (2) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20), Centralna izborna komisija Bosne i Hercegovine je na 17. sjednici, održanoj 04.05.2022. godine, donijela

UPUTSTVO
o postupku žrijebanja političkih subjekata za utvrđivanje redoslijeda na glasačkom listiću

Član 1.
(Primjena)

Uputstvom o postupku žrijebanja političkih subjekata za utvrđivanje redoslijeda na glasačkom listiću (u daljnjem tekstu: Uputstvo), utvrđuje se postupak žrijebanja političkih subjekata, kako bi se odredio redoslijed na glasačkom listiću.

Član 2.
(Datum)

Centralna izborna komisija Bosne i Hercegovine (u daljnjem tekstu: Centralna izborna komisija BiH) najkasnije 73. dana, prije dana održavanja izbora, vrši žrijebanje ovjerenih političkih subjekata za određivanje redoslijeda na glasačkom listiću.

Član 3.
(Mjesto)

- (1) Žrijebanje iz člana 2. ovog Uputstva, se vrši u prostorijama Centralne izborne komisije BiH.
- (2) Izuzetno, ukoliko se žrijebanje ne može održati u prostorijama Centralne izborne komisije BiH, Centralna izborna komisija BiH svojom odlukom određuje drugo pogodno mjesto za žrijebanje ovjerenih političkih subjekata za određivanje redoslijeda na glasačkom listiću.
- (3) O mjestu, datumu i vremenu održavanja žrijebanja, Centralna izborna komisija BiH obavijestit će političke subjekte i javnost najkasnije 24. sata prije održavanja žrijebanja.

Član 4.
(Način žrijebanja)

- (1) Žrijebanje iz člana 1. ovog Uputstva, se vrši:
 - a) elektronski i/ili
 - b) ručno.
- (2) Centralna izborna komisija BiH prije početka žrijebanja javno objavljuje spisak ovjerenih političkih subjekata po kodovima koji učestvuju u žrijebanju i način žrijebanja iz stava (1) ovog člana.

(3) Elektronsko žrijebanje se vrši na način, da se na ekranu izmjenjuju nazivi svih političkih subjekata, dok zaduženo lice od strane Centralne izborne komisije BiH pritiskom na tipku na tastaturi ne stopira proces. Tako selektirani naziv političkog subjekta se unosi u tabelu redosljeda političkih subjekata pod rednim brojem 1. i isključuje se iz daljnjeg postupka. Nakon selektiranja prvog političkog subjekta nastavlja se postupak žrijebanja, do završetka unosa naziva svih selektiranih političkih subjekata u skladu sa redoslijedom žrijebanja.

(4) Ručno žrijebanje se vrši na način da zaduženo lice od strane Centralne izborne komisije BiH, iz providne staklene posude izvlači pojedinačne kuglice sa nazivima političkih subjekata. Nakon svakog pojedinačnog izvlačenja čita se naglas redni broj, kod i naziv političkog subjekta koji se upisuje u tabelu počev od rednog broja 1 i nadalje do kraja izvlačenja svih kuglica iz posude.

(5) Ukoliko tokom žrijebanja iz stava 1. tačka a) ovog člana, dođe do nepredviđenog zastoja, pa se isto iz tehničkih razloga mora prekinuti, o načinu nastavka žrijebanja Centralna izborna komisija BiH će donijeti posebnu odluku.

Član 5.

(Prikaz političkih subjekata)

(1) Radnje propisane u članu 4. stav (3) i (4) ovog Uputstva, se hronološki prikazuju putem projektor na ekranu, u skladu sa redoslijedom izvlačenja naziva političkih subjekata.

(2) Centralna izborna komisija BiH, nakon provedene procedure iz stava (1) ovog člana, svojom odlukom određuje redoslijed političkih subjekata na glasačkom listiću, koja se javno objavljuje na internet-stranici Centralne izborne komisije BiH www.izbori.ba.

Član 6.

(Zapisnik o postupku žrijebanja)

(1) O postupku žrijebanja vodi se Zapisnik.

(2) Zapisnik se javno objavljuje na internet-stranici Centralne izborne komisije BiH www.izbori.ba i služi kao osnov za ulaganje prigovora na odluku Centralne izborne komisije BiH iz člana 5. stav (2) ovog Uputstva.

Član 7.

(Javnost postupka žrijebanja)

(1) Postupak žrijebanja iz člana 1. ovog Uputstva, je javan i postupku mogu prisustvovati predstavnici političkih subjekata i medija.

(2) Centralna izborna komisija BiH može osigurati da se postupak žrijebanja prenosi uživo putem javnih elektronskih medija i /ili live stream.

Član 8.

(Analogna primjena propisa)

Odredbe ovog Uputstva, utvrđene u članu 5. 6. i 7, gdje je to moguće, na adekvatan način se primjenjuju na proceduru provođenja javnog postupka dodjele mjesta u biračkim odborima propisanu članom 13. Pravilnika o utvrđivanju kvalifikacija i postupku imenovanja članova biračkih odbora.

Član 9.
(Prestanak primjene)

Danom stupanja ovog Uputstva prestaje sa važenjem Uputstvo o postupku žrijebanja političkih subjekata za utvrđivanje redoslijeda na glasačkom listiću broj: 05-1-02-2-798-1/20 od 01.09.2020. godine.

Član 10.
(Stupanje na snagu i objava)

Ovo Uputstvo, stupa na snagu danom donošenja i objavit će se na internet-stranici Centralne izborne komisije BiH www.izbori.ba.

Broj: 05-1-02-2-625-1/22
Sarajevo, 04.05.2022. godine

